

POLITIKA O SANKCIJAMA

Coca-Cola

Hellenic Bottling Company

SADRŽAJ

I.	Izjava o politici	3
II.	Na koga se ova politika primjenjuje?	3
III.	Šta su Sankcije?	3
IV.	Poštivanje Sankcija	4
V.	Izražavanje zabrinutosti	5
VI.	Nepoštivanje ove politike	5
VII.	Za više informacija	5

I. Izjava o politici

Coca-Cola Hellenic Bottling Company („CCHBC“ ili „Kompanija“) poštivat će sve zakone, propise, embarga i mjere ograničavanja povezane s ekonomskim sankcijama (**Sankcije**) kojima podliježe. Kompanija CCHBC provodit će učinkovite mjere kako bi osigurala poštivanje obaveza povezanih sa Sankcijama i svijest o njima.

Kako bismo proveli ovu politiku, usvojili smo i dosljedno ćemo provoditi postupak provjere sankcija. Tim su postupkom zacrtani ključni koraci i načela kojima se osigurava poštivanje primjenjivih Sankcija. Nepoštivanje tih sankcija može dovesti do teških građanskopravnih i kaznenopravnih sankcija za našu kompaniju i za pojedinačne zaposlenike, službenike i direktore, a njime se usto može značajno narušiti ugled CCHBC-a.

Nepoštivanje ove politike ozbiljan je problem koji može dovesti do poduzimanja stegovnih mjera, uključujući i otkaz. Kršenje Sankcija može imati i pravne posljedice za pojedince povezane s tim kršenjem, uključujući teške novčane kazne i kaznu zatvora. Svaku sumnju na kršenje ove politike zaposlenici bi trebali što prije prijaviti ili službeniku za etično poslovanje i usklađenost kako bi dobili daljnje upute za postupanje ili preko linije „Progovorite s povjerenjem“!

II. Na koga se ova politika primjenjuje?

Ova se politika primjenjuje na sve koji rade za Kompaniju bilo gdje u svijetu bez obzira na organizacijsku jedinicu, radno mjesto ili senioritet. To uključuje sve zaposlenike, rukovodioce, članove Uprave i direktore Kompanije.

Od privremenih i ugovornih zaposlenika, savjetnika, zastupnika i svih ostalih trećih strana koje postupaju u ime Kompanije tražimo da poštuju načela ove politike.

Sve podružnice i zajednički pothvati kojima Kompanija upravlja koji nisu u potpunosti u njenom vlasništvu moraju donijeti sličnu politiku o sankcijama. Ako učestvujemo u nekom zajedničkom pothvatu, ali njime ne upravljamo, svoje ćemo partnere potaknuti da počnu postupati u skladu sa zahtjevima ove politike i u sklopu zajedničkog pothvata i u svom vlastitom poslovanju.

III. Šta su Sankcije?

Sankcije su mjere koje vlasti i međunarodna tijela (poput Ujedinjenih naroda) nameću radi ograničavanja poslovanja s određenim državama, subjektima i pojedincima. Javljaju se u raznim oblicima, među ostalim kao:

- široke zabrane poslovanja s određenim pojedincima, poslovnim subjektima ili državama ili unutar njih;
- trgovinska ograničenja, među ostalim kao embarga na oružje i zabrane izvoza određene opreme;
- finansijske sankcije, poput zamrzavanja imovine i zabrane finansijskih transakcija i
- zabrane putovanja.

Mete Sankcija i priroda ograničenja koja se nameću Sankcijama podliježu redovnoj promjeni, stoga je radi usklađenosti nužno voditi računa o svježim informacijama o svim Sankcijama koje se primjenjuju na naše poslovanje. Posebno su nam važne švicarske sankcije jer CCHBC ima sjedište u Švicarskoj i sankcije Evropske unije jer se značajan udio poslovanja CCHBC-a odvija u Evropskoj uniji.

Sankcije Evropske unije primjenjuju se na:

- kompanije iz Evropske unije i državljanke Evropske unije, i to na sve što oni čine bilo gdje u svijetu, čak i kada je državljanin Evropske unije zaposlen u kompaniji koja nije iz Evropske unije;

- kompanije koje nisu iz Evropske unije i zaposlenike koji nisu državljani Evropske unije, i to na sve što oni čine u Evropskoj uniji, i na sve poslovanje koje se u cijelosti ili dijelom odvija u Evropskoj uniji.

Sankcije Sjedinjenih Američkih Država primjenjuju se na:

- kompanije iz Sjedinjenih Američkih Država i njihove podružnice u inozemstvu (a u slučaju nekih sankcija i na podružnice kompanija iz Sjedinjenih Američkih Država koje same nisu američke), i to na sve što one čine bilo gdje u svijetu;
- državljane Sjedinjenih Američkih Država i strance koji imaju pravo na stalno boravište (tj. vlasnike „zelene karte“), i to na sve što oni čine bilo gdje u svijetu;
- kompanije koje nisu iz Sjedinjenih Američkih Država i pojedince koji nisu državljani Sjedinjenih Američkih Država, i to na sve što oni čine u Sjedinjenim Američkim Državama, i na sve poslovanje koje se u cijelosti ili dijelom odvija u Sjedinjenim Američkim Državama.

Sankcije Sjedinjenih Američkih Država mogu se primijeniti i na transakcije koje se tiču Sjedinjenih Američkih Država, uključujući one u kojima se iskorištavaju prednosti finansijskog sistema Sjedinjenih Američkih Država (npr. transakcije koje su izražene u dolarima) i one koje uključuju kompanije i pojedince iz Sjedinjenih Američkih Država ili predmete koji imaju porijeklo u Sjedinjenim Američkim Državama.

Sjedinjene Američke Države nekim su državama – na primjer Iranu, Rusiji – nametnule takozvane sekundarne sankcije, koje se direktno primjenjuju na kompanije i pojedince koji nisu iz SAD-a, a koji provode određene transakcije s tim državama. Tim se Sankcijama omogućuje nametanje niza mjera koje su osmišljene kako bi se kršitelj koji nije iz Sjedinjenih Američkih Država isključio iz ekonomije Sjedinjenih Američkih Država.

Švicarske sankcije primjenjuju se na:

- švicarske osobe, sve poslovanje organizirano u skladu sa švicarskim pravom i sve osobe tokom njihovog boravka u Švicarskoj bez obzira na njihovo državljanstvo;
- osobe i kompanije koje se nalaze izvan Švicarske, i to na sve što one čine u Švicarskoj, i na sve poslovanje koje se u cijelosti ili dijelom odvija u Švicarskoj.

Sankcije Ujedinjenog Kraljevstva (dalje u tekstu: UK) primjenjuju se na:

- Kompanije iz UK-a i državljani UK-a u odnosu na sve što rade bilo gdje u svijetu – čak i ako je državljanin UK-a zaposlen u kompaniji koja nije iz UK-a.
- Kompanije izvan UK i zaposlenici koji nisu državljani UK-a u vezi sa svime što rade u UK i svim poslovima koji se u cijelosti ili djelomično vode u UK.

IV. Poštivanje Sankcija

Kompanija CCHBC, njene podružnice i njeni zaposlenici moraju poštivati sve Sankcije koje se primjenjuju na relevantne osobe i ne smiju učestvovati ni u kakvim poslovima kojima bi se primjenjive sankcije mogle prekršiti.

Sankcije u pravilu:

- Zabranjuju poslovanje s pojedincima ili subjektima koji su navedeni na primjenjivom popisu za zamrzavanje imovine, poput američkog popisa posebno naznačenih državljana i blokiranih osoba, jedinstvenog evropskog popisa metâ finansijskih sankcija ili bilo kojeg popisa koji vodi bilo koje nadležno tijelo (uključujući Švicarsku i UK)
- Zabranjuju poslovanje sa subjektima koji su u vlasništvu ili pod nadzorom subjekata navedenih na prethodno spomenutim popisima.

- Zabranjuju ili ograničavaju poslovanje s određenim državama ili teritorijama. Naprimjer, američkim je osobama u pravilu zabranjeno poslovati s Kubom, Iranom, Sirijom, Sjevernom Korejom i Krimom („**Teritorije pod ograničenjima**“). Na kompanije i državljane Evropske unije, Švicarske i UK također se primjenjuju ograničenja poslovanja s nekima od tih područja.
- Zabranjuju olakšavanje transakcija u kojima sami ne smijete direktno učestvovati. Naprimjer, državljanin Sjedinjenih Američkih Država ne smije podržati ili odobriti poslovanje kompanije koja nije iz Sjedinjenih Američkih Država s Krimom. Jednako tako, kompanija iz Evropske unije, Švicarske i UK, ne smije upotrijebiti svoju podružnicu koja nije iz Evropske unije da bi poslovala s metom zamrzavanja imovine koju je kao takvu odredila Evropska unija, ili za poduzimanje poslova koji su zabranjeni sankcijama EU-a¹.
-

Molimo vas, imajte na umu da se Sankcije primjenjuju i na pojedince, a ne samo na kompanije, naprimjer i da stoga državljani Evropske unije, Sjedinjenih Američkih Država, Švicarske i UK, koji posluju izvan Evropske unije, Sjedinjenih Američkih Država Švicarske i UK, moraju biti svjesni posebnih Sankcija koje se primjenjuju na njih i Sankcija koje se primjenjuju na kompaniju u kojoj su zaposleni.

Kako bi omogućila poštovanje Sankcija, kompanija CCHBC provodi postupak provjere drugih ugovornih strana. Cilj je tog postupka provjere utvrditi navodi li se predložena druga ugovorna strana na popisu za zamrzavanje imovine i je li možda u vlasništvu ili pod nadzorom takve osobe. Postupak odobrenja za transakcije u koje bi trebali biti uključene Teritorije pod ograničenjima opisan je u nastavku.

Kompanija CCHBC i njene podružnice trebale bi voditi računa o obavezama povezanim sa Sankcijama i u svojim sporazumima o finansiranju, poput sporazuma o pozajmljivanju i sporazuma o osiguranju, imajući pritom na umu da te obaveze mogu nadilazi pravne obaveze nametnute Sankcijama.

Potrebna odobrenja

Za sve predložene transakcije, aktivnosti i projekte koji uključuju neku Teritoriju pod ograničenjem ili osobu ili subjekt koji se nalazi na odgovarajućem popisu sankcija potrebno je prethodno pisano odobrenje pravnik iz nadležnog odjela za pravne poslove u Kompaniji („**službenik za etično poslovanje i usklađenost**“). Odgovor na pitanje kojem biste se službeniku za etično poslovanje i usklađenost trebali obratiti ovisi o vašem radnom mjestu:

- zaposlenici koji obavljaju funkcije na razini neke države: direktoru odjela za pravne poslove u toj državi;
- glavni direktori i zaposlenici koji obavljaju funkcije na razini Grupe: glavnom službeniku za usklađenost;
- glavni izvršni direktor i članovi Operativnog odbora: glavnom savjetniku.

Kopije tih odobrenja trebao bi zadržati službenik za etično poslovanje i usklađenost, a one bi prema potrebi trebale biti dostupne revizorima ili istražiteljima.

V. Izražavanje zabrinutosti

Ako primijetite da se kompanija CCHBC ili neka od njenih podružnica nenamjerno uključila u bilo kakav posao koji nije u skladu s primjenjivim Sankcijama, trebali biste što prije obavijestiti svog službenika za etično poslovanje i usklađenost kako biste dobili daljnje upute ili prijaviti taj slučaj preko naše linije „Progovorite s povjerenjem“! Tako ćete Kompaniji pružiti priliku da se suoči s tim problemom i da ispravi grešku, u idealnom slučaju prije nego što ta greška preraste u povredu zakona ili rizik za ugled Kompanije.

¹ Politika povlačenja kompanije sadrži dodatne pojedinosti o tome ko se mora pridržavati primjenjivih sankcija u slučajevima kada CCHBC subjekt koji nije iz EU-a/Švicarske/SAD-a/UK-a smije, u skladu s važećim zakonima, sudjelovati u poslovima koji bi bili zabranjena transakcija pod sankcijama EU-a, Švicarske, UK-a ili SAD-a.

VI. Nepoštivanje ove politike

Nepoštivanje ove politike smatrat ćemo ozbiljnim problemom koji zahtijeva poduzimanje stegovnih mjera, uključujući i otkaz, ondje gdje je to dopušteno zakonom. Kršenje Sankcija može imati i pravne posljedice za pojedince povezane s tim kršenjem, uključujući teške novčane kazne i kaznu zatvora.

VII. Kada u nešto niste sigurni, zatražite savjet

Ako se nađete u situaciji u kojoj niste sigurni kako biste trebali postupiti ili je li neko ponašanje neprikladno ili suprotno ovoj politici, prije nego poduzmete daljnje korake, svakako biste trebali zatražiti savjet svog službenika za etično poslovanje i usklađenost.

Ako imate bilo kakvih pitanja o ovoj politici, molimo vas da se obratite svom rukovodiocu ili svom službeniku za etično poslovanje i usklađenost.

Ova politika podliježe povremenim izmjenama, dopunama i osvježavanju u skladu sa Shemom odobrenja Grupe. Najnoviju verziju ove politike možete zatražiti od glavnog službenika za usklađenost, a dostupna je i na intranetu i web-stranicama Kompanije www.coca-colahellenic.com.

Posljednje osvježavanje: novembar 2022.